

**ՀՈԳԵՎՈՐ**  
**ՎԻՐԱՅԱՅՈՑ ԹԵՄԻ ԱՌԱՋՆՈՐԴԻ**  
**ԿԻՐԱԿՆՕՐՅԱ**  
**ՔԱՐՈՋԵՆՈՍՈՒԹՅՈՒՆԻՑ**

**«ԵՐԲ ԴՍԱԿՎՈՒՄ ԵՆ, ԴԱՌՆՈՒՄ ԵՆ ՄԻ ՄԱՐՄԻՆ»**



**Անցած կիրակի՝ սեպտեմբերի 18-ին, Թբիլիսիի Սուրբ Գեորգ առաքնորդանիստ եկեղեցում, հավարտ կիրակնօրյա Սուրբ պատարագի, Վիրահայոց թեմի առաքնորդ Տեր Կիրակոս վարդապետ Դավթյանը հանդես եկավ քարոզով ընտանիք ինստիտուտի մասին:**

- Սիրելի հավատացյալներ, իրենց արքայազն Սր. պատարագի Աստվածաշնչից ընթերցվեց անուսնության և անուսնալուծության մասին հատվածը... Քրիստոս, երբ բացատրում էր ընտանիքի խորհուրդը, ասաց, որ տղամարդը եւ կինը, երբ պսակվում են, անուսնալուծ դառնում են մեկ մարմին: Քրիստոս մեծ կարեւորություն էր տալիս ընտանեկան սրբությունը: Ինչպես գիտեք, նա ծնվեց կույսից, եւ դա արդեն հրաշք էր: Բայց նա ծնվեց ընտանիքում: Իր առաջին հրաշքը Քրիստոս գործեց ընտանիքի ստեղծման հարսանիքի ժամանակ, երբ ջուրը վերածեց գինու:

Իր գործերով, իր քարոզներով Քրիստոս միշտ էլ կարեւորում էր ընտանիքի միասնությունը: Ցավով, տարիների ընթացքում մենք ուղղակի կորցրել ենք ընտանիք ինստիտուտի նկատմամբ մեր հարգանքը եւ ընթերցումը:

Իրականության մեջ այս կամ այն դժվարությունը գալիս է երեւի մեր առօրյա հարաբերություններից: Իսկ եթե այդ հարաբերությունները դրսևում, աշխատանքի վայրում վատ են, ապա շատ անգամ դա ինչ-որ կերպ անդրադառնում է նաեւ ընտանիքում:

Ինչ իմաստ է կրում այսօր պսակադրությունը: Ինչ խորհուրդ ունի պսակադրությունը:

Այսօր, իմ շրջապատում, իմ ծանոթների շրջանում, տեսնում են, որ երիտասարդները շատ հեշտությամբ պատրաստ են ընտանիք կազմել եւ նույնպիսի հեշտությամբ պատրաստ են այդ ընտանիքը փլուզել: Նրանց համար նշանակություն չունի երեխա կա՞, թե՞ չկա, նրանք պատրաստ են անուսնալուծվել:

Ես չեմ ցանկանում շատ քննադատել այսօրվա մեր ընտանիքները: Թող իմ պատգամը լինի այն, որ ավելի խորը գիտակցություն կարողանանք մտցնել երեխաների, թոռների մեջ եւ միշտ հիշենք մեր եկեղեցու, մեր այրերի խոսքը ընտանիքի մասին՝ դա իր թագավորությունն է, մոր աշխարհը, երեխայի դրախտը: Դա է իսկական ընտանիքի բանաձեւը: Եկեք ամեն մեկս մեր կարողություններով փորձենք վերականգնել այդ հին ավանդույթները: Մենք Կովկասում ասորող հայերս, տակավին մեր մեջ ունենք այդ ավանդույթները: Հարկավոր չէ դրսից բերած նորանուծություններ անել մեր կյանքում: Կարելի է արեւմտյան ավանդույթները կյանքից բերել՝ ընտանիքի հետ կապված, այլ ոչ թե՛ այդ լզբտ կոչվածը, որի մասին որոշ մարդիկ լավ են արտահայտվում, որոշ մարդիկ՝ ոչ, մի մասը վախենում է, մի մասն էլ՝ ողջունում:

Եկեք միայն լավը տեսնենք, ինչն ընդունված է մեր մեջ, այդ լավը բերենք եւ կյանքի կոչենք: Թող մեր ընտանիքներ մտնի միայն լավը, մաքուրը: Թող ձեր տան անդամները, ձեր երեխաներն օգտվեն այդ լավից: Կյանքի դասերը պետք է լինեն այդպիսին, ձեզանից օրինակ դառնան ձեր փոքրերի համար: Այդ փոքրերը կմեծանան, եւ այդ լավը կփոխանցեն իրենց երեխաներին եւ կսիրեն այդ գեղեցիկ ավանդույթները:

Աստված պահապան բոլորիդ:

**ՍԿՎԵՑ ՆՈՐ՝ 2022 - 2023 ՈՒՍԱՐԻ**

**ՎՐԱՍՏԱՆԻ 120 ՀԱՅԿԱԿԱՆ ԴՊՐՈՑՆԵՐԸ ԱՅՍ ՏԱՐԻ ԸՆԴՈՒՆԵՑԻՆ 1 257 ԱՌԱՋԻՆ ԴԱՍԱՐԱՆՑԻՆԵՐԻ**

**Վրաստանում սեպտեմբերի 15-ին մեկնարկեց 2022-23 ուսումնական տարին: Վրաստանի օրենսդրությամբ տվյալ ամսաթվով ուսումնական տարին սկսելու օրենքն ուժի մեջ է 2010 թվականից՝ 2005-ին գործարկված կրթական բարեփոխումների շրջանակում, երբ որոշվել է հրաժարվել խորհրդային մոտեցումներից եւ որդեգրել վրացական ակադեմիական կրթության ավանդույթները: Վրաստանի հանրակրթական դպրոցներում ուսումնական տարին տեւում է 180 օր եւ ավարտվում հունիսի 15-ին:**

Ուսումնական յուրաքանչյուր տարեկիզբ ու տարեվերջ, անդրադառնալով Վրաստանի կրթական, այդ թվում՝ հայկական դպրոցների թեմային, «Վրաստան» թերթն ավանդաբար ներկայացնում է կրթօջախների ոչ միայն դրական տեղաշարժերն ու իմնախնդիրները, այլեւ դառնում է աշակերտների թվի եւ դպրոցների վիճակագիրը: Այս տարի նույնպես, դիմելով

երկրի տարածքային կրթական ռեսուրսներին, մեր ընթերցողներին իրագեղում ենք, թե քանի առաջին դասարանցի ունեն Վրաստանի հայկական դպրոցները: Այդ տեղեկատվության համաձայն՝ Վրաստանում 120 հայկական դպրոցներից մայրաքաղաք Թբիլիսիում գործում է 2, Ախալքալաքի մունիցիպալիտետում՝ 64, Նինոծմինդայի մունիցիպալիտետում՝

38, Ախալցխի մունիցիպալիտետում՝ 11, Մառնեուլիի մունիցիպալիտետում՝ 10, Ծալկայի մունիցիպալիտետում՝ 10, Բորժոմիի մունիցիպալիտետում՝ 3, Բուլնիսիի մունիցիպալիտետում՝ 3 դպրոց: Մեկական հայկական դպրոցներ են գործում Բաթումի քաղաքում, Ասպինձայի, Թեթրիժ-դարոյի եւ Դեդոփլիստալի մունիցիպալիտետներում:

Վրաստանի կրթության եւ գիտության նախարարության տեղեկատվությամբ՝ 2022/23 ուսումնական տարեկազմի երկրի դպրոցականների ընդհանուր թիվը 632 726 է, 55 717-ը առաջին դասարանցիներ են, այստեղից՝ 1 257-ը հայկական դպրոցների առաջին դասարանի սաներ:

**ԱՐԴԵՆ ՀԻՆԳԵՐՈՐԴ ՏԱՐԻՆ Է, ԻՆՉ ԲԱԹՈՒՄԻ ԹԻՎ 4 ՀԱՆՐԱՅԻՆ ԴՊՐՈՑՆ ԸՆԴՈՒՆՈՒՄ Է ՀԱՅԵՐԵՆ ՍՈՎՈՐՈՂ ՍԱՆԵՐԻ**



Սեպտեմբերի 15-ին Առաջին զանգը հնչեց նաեւ Բաթումի քաղաքի հանրային 4-րդ դպրոցում, այդ թվում՝ ուսումնառման մեջ մայրենին ընդգրկել ցանկացող բոլոր հայագրի դպրոցականների համար:

Արդեն հինգ տարի է, ինչ պետական ծրագրով նախատեսված հայերենի դասեր են անցկացվում վրացական դպրոցում, եւ բաթումցի փոքրիկները հնարավորություն ունեն կրթվել բիլինգվալ համակարգով՝ սովորել Վրաստանի պետական լեզվով, միաժամանակ սովորել իրենց մայրենին՝ հայերենը: Այս պահի դրությամբ բոլոր հինգ դասարաններում սովորող աշակերտների թիվը 33 է:

Դպրոցի առաջին օրը շատ տոնական ու մարդաշատ էր՝ գեղեցիկ ու կոկիկ հագնված աշակերտներ, ծաղկեփնջերը ձեռքներին շփոթված, բայց ուրախ առաջին դասարանցիներ, ծնողներ, ուսուցիչներ, հյուրեր... 2022/23-ը սկսվեց ուսուցման առ-

կա համակարգով եւ հույսով, որ վերադարձ դեպի հեռավար այլեւ չի լինելու եւ ուսումնական տարին իր անխափան ընթացքն է ունենալու:

Պատեհ առիթով, կցանկանայի եւս մեկ անգամ շնորհակալ լինել Վրաստանի կառավարությանը Բաթումիում դպրոցի հայկական բաժինը վերստեղծելու համար՝ ակնկալելով տեղի հայ բնակչության առավել պատասխանատվությունն առ այս բացառիկ հնարավորության հանդեպ: Ինչ խոսք, դեռ ոչ վաղ անցյալում Բաթումիում գործել է առանձին հայկական դպրոց՝ հարուստ պատմությամբ, ի դեպ, այստեղ է դասավանդել ռուս դասական Սերգեյ Եսենինի բանաստեղծության հերոսուհին՝ Շահանեմ, ում եւ վերջինս ձոնել է իր հայտնի բանաստեղծությունը:

Եվս մեկ անգամ շնորհավորում են Վրաստանի կրթական ոլորտի բոլոր մվիրակներին, ցանկանում հետաքրքիր, հաջող ու բեղուն տարի:

**ՍԱԹԵՆԻԿ ԴԱՆԵԼՅԱՆ**  
**Բաթումիի թիվ 4 հանրային դպրոցի հայոց լեզվի ուսուցչուհի**

**ՀԱՍԱՐԱԿՈՒԹՅԱՆ ԿԵՐՏԱԾ ԿԱՐԵՎՈՐԱԳՈՒՅՆ ԱՐԺԵՔԸ ԴՊՐՈՑՆ Է**

Նոր ուսումնական տարին դիմավորեցինք պետության օրհներգի ներքո եւ բարձրացնելով պետական դրոշը:

Նախ շնորհավորեցինք մեր 8 շրջանավարտներին, որոնք «+4»-ի շրջանակներում ընդունվել են Վրաստանի բարձրագույն ուսումնական հաստատություններ: Նրանցից 3-ը՝ Սոֆիկ Գալոբյանը, Երջանիկ Բալոյանը, Ելենա Պետրոսյանը արժաթ մեդալակիր են:

«Առաջին զանգի» արարողությանը մեր դպրոցի աշակերտներին շնորհավորեցին Ասպինձայի քաղաքապետարանի աշխատակից Բեսիկ Սանդոձեմ, պատգամավոր

Եմին Բալոյանը, գյուղապետ Մարտին Կերեկցյանը: Քաղաքապետարանի անունից Բեսիկ Սանդոձեմ 11 առաջին դասարանի աշակերտներին եւ նրանց դասվար Կլարիկ Բաղդասարյանին գրքեր նվիրեց:

«Վրաստան» թերթի միջոցով կուզեի շնորհակալություն հայտնել Վրաստանի կրթության եւ գիտության նախարարությանը՝ մեզ մշտապես աջակցելու համար: Այս տարի եւս աշակերտներին անվճար ուսումնական դասագրքեր տրամադրվեցին, առաջին դասարանցիներին նվիրվեցին համակարգիչներ: Մեր երախտիքը նաեւ Ասպինձայի քաղաքապետ Ռոստոմ



**Մագրաբլեի ժեմին, Ասպինձայի ռեսուրս կենտրոնի վարիչ Տրիստան Մուրադաշվիլուն, որը աշխատակազմին, ովքեր անմիջապես արձագանքում են մեր խնդրանքին ու իրենց հերթին փորձում նպաստավոր ուսումնական միջավայր ստեղծել:**

**ՆԵԼԼԻ ԴՈՒՐՈՒԿՅԱՆ**  
**Ասպինձայի մունիցիպալիտետի Դամալայի հանրային դպրոցի տնօրեն**

**ՄԵՐ ԱՄԵՆԱՅԱՅՏՈՒՆ ԽՆԴԻՐԸ ՄԱՅՐԵՆԻ ԴԱՍԱԳՐՔԵՐԻ ԴԱՎԱՍՆ Է**



Դպրոցում ուսանում է 79 աշակերտ: Նախորդ ուսումնական տարվա շրջանավարտների թիվը 10 էր, այստեղից մեկ աշակերտ ընդունվել է վրացական բուհ: Առաջին դասարանցիների

թիվը 7 է:

Ինչ վերաբերում է խնդիրներին, ապա ամենացայտունը մայրենիի եւ գրականության դասագրքերի պակասն է. հնամաշուրջում: Կցանկանայի ձեր թերթի միջոցով եւս մեկ անգամ այս հարցի կարգավորման խնդրանքս ուղղել համապատասխան մարմիններին:

Սիրով շնորհավորում են մեր երկրի կրթության ոլորտի բոլոր ներկայացուցիչներին:

**ԹԵՐԻՑՈՂԱՐՈՅԻ ՄՈՆԻԿԻՍՏՐՈՆԻ ՍԱՄՉՎԻԼՅԵ ԳՅՈՒԼԻ ՀԱՄՆԱՐԱՅԻՆ ԴԱՍԱԳՐՔԻ ՄՈՒՐՆԵՐ**

**ՍԱԲԱԹԼՈՅԻ ԴՊՐՈՑՈՒՄ ԳՐԱԴԱՐԱՆ ԵՆՔ ԲԱՅԵԼ՝ ՇՆՈՐՀԱՎԱԿԱԼՈՒԹՅԱՄԲ ԿԸՆՈՒՆԵՆՔ ՆՈՐ ԳՐՔԵՐ**

Կարծում են, շատերս գիտենք, թե ինչ տեսք ու կառուցվածք ունի Վրաստանի քարտեզը: Առավել մանրամասնելու համար ասեն, որ մեր գյուղը՝ Սաբաթլոն, գտնվում է մեր երկրի հենց արեւելյան ծայրամասում, այն հատվածում, որն իր տեսքով պոչի է նմանվում:

Սաբաթլոն մեր մունիցիպալիտետի միակ հայաբնակ գյուղն է, ուր մեր պետության բարի կամքով հայ երեխաները մայրենիով սովորելու երջանիկ հնարավորությունն ունեն: Մեր դպրոցը հայ-վրացական է, ունենք 60 աշակերտ, որից 20-ը՝ վրացական, 40-ը՝ հայկական բաժնում: Այս ուսումնական տարում հայկական բաժնում ուսանելու է 2 աշակերտ, վրացականում՝

1: Ցավում են, փոքրաթվության համար, բայց գիտակցելով, որ եղել են եւ այնպիսի տարիներ, երբ դասարան ընդհանրապես չենք բացել, ուրախանում, որ թիչ ենք, բայց՝ կանք: Մեր դպրոցը բավական լավ վիճակում է, վերանորոգված է եւ համապատասխան բոլոր չափանիշներին: Այս տարի նույնիսկ գրադարան բացեցինք ու մեծ սիրով կընդունենք գրքեր՝ մեր երեխաների կրթությունն առավել հարստացնելու համար: Ասեն, որ վերջին տարիներին հատկապես, «+4» ծրագրի շնորհիվ, մեր շրջանավարտներն իրենց բարձրագույն ուսումը շարունակում են Վրաստանի բուհերում, ինչն ինքնին նրանց գյուղ վերադարձի հույս է ներշնչում:

Ուսումնական տարին սկսել ենք կազմ ու պատրաստ, երեխաներին բաժանվել են համակարգիչներ, անհրաժեշտ դասագրքեր: Շնորհավորում են մեր երկրի բոլոր դպրոցականներին եւ ուսանողներին եւ, իհարկե, նրանց մանկավարժ-դասախոսներին, վարժքներդ կատար, սիրելի՛ ուսուցիչներ:



**ՎԱՍԻԼ ՀԱՎՈՒՇՅԱՆ**  
**Դեդոփլիստալի մունիցիպալիտետի Սաբաթլո գյուղի մեծամասնական պատգամավոր**

ՀԱՐՑ - ՊԱՏԱՍԽԱՆ ԱՅԼԱԶԱՆ ԽՈՐՀՈՒՐԴՆԵՐ

ՀՐԱՏԱԴ

ՈՐՈ՞Ք ԵՆ ԱՌԱՎԵԼ ՊԱՐԱՆՁՎԱԾ ՄԱՍՆԱԳԻՏՈՒԹՅՈՒՆՆԵՐԸ

2 էր թերթում հաճախ եք գրել մասնագիտական կողմնորոշման, մասնագիտության...



Ձեր ընտրության վերաբերյալ: Ցանկալի կլիներ իմանալ, թե ներկա դրությամբ, ո՞ր մասնագիտություններն են առավել պահանջված, ո՞ր մասնագիտության յուրաքանչյուր այսօր կարող է ապահովել նորմալ աշխատանք՝ նորմալ աշխատավարձով:

Խ. ԿԱՐԱՊԵՏՅԱՆ

ԹՔԻԽԻՍ

«Վրաստան» թերթի փոստով ստացվող նամակներում շատ ընթերցողներ են բարձրացնում մասնագիտության ընտրության հետ կապված հարցեր: Ինչ վերաբերում է ամենապահանջված մասնագիտության հարցին, ապա, դրա պատասխանը ստանալու համար, խմբագրությունը դիմեց Գրանցման նյութերի և քննական գործընթացների վերլուծության ծառայության ղեկավար Մախա Գաբունիային: Վերջինս, ելնելով այս տարվա միասնական ազգային քննություններին առա-

վել բարձր մրցակցային մակարդակից, տեղեկատվություններ կայացրեց առավել պահանջված մասնագիտությունների վերաբերյալ:

- Այս տարի ես մրցակցությունը բացառիկ բարձր էր: Պահանջված էին հետևյալ մասնագիտությունները՝ հոգեբանություն, իրավաբանություն, հումանիտար մասնագիտությունները՝ նույնպես, նաև՝ բիզնեսի կառավարումը, բժշկի մասնագիտությունն ու ատանաբուժությունը,- ասաց Մախա Գաբունիան:

ԳԻՏԵՔ, ԱՐԴՅՈՔ...

Ո՞Վ Է ԱՅՍՕՐՎԱ ԴՐՈՒԹՅԱՄ ԱՄԵՆԱԵՐԿԱՐԱԿՅԱՑ ՄԻԱՊԵՏԸ



Ինչպես նշում են լրագրամիջոցները, սեպտեմբերի 8-ին վախճանված Մեծ Բրիտանիայի թագուհի Էլիզաբեթ Երկրորդը, շուրջ 70 տարի զբաղեցնում էր Միացյալ Թագավորության գահը: Ըստ լրագրամիջոցների, նա ամենաերկարակյաց միապետն է եղել ողջ պատմության ընթացքում: Հետաքրքիր է նրա մահից հետո, ո՞վ է համարվում ամենաերկարակյաց միապետը:

Հ. Միրզոյան

Մառնուլի

Իրոք, Էլիզաբեթ Երկրորդը դեռևս 2015 թվականին գահակալության ժամկետի առումով գերազանցեց մինչ այդ ամենաերկարակյաց Վիկտորյա թագուհուն:



Հասանալ Բոլկիահ

Հիշեցնենք, որ Էլիզաբեթ Երկրորդը Մեծ Բրիտանիայի միապետ դարձավ հոր՝ Կարլ Երկրորդի մահից հետո, 1952 թվականին, 25 տարեկան հասակում եւ գահակալության ընթացքում փոխեց Մեծ Բրիտանիայի 13 վարչապետի: Այսօրվա դրությամբ, Էլիզաբեթ Երկրորդի վախճանից հետո, ամենաերկարակյաց միապետն է համարվում Բրունեյի Սուլթան Յասանալ Բոլկիահը: Նա 76 տարեկան է եւ արդեն 56 տարի է, ինչ զբաղեցնում է Բրունեյի գահը:

Ամենաերկարակյաց միապետների շարքին է դասվում նաև Դանիայի 82-ամյա թագուհի Մարգարետ Երկրորդը, ում գահակալությունը սկսվել է 1972 թվականից:

Երկարակյաց միապետների առաջին հնգյակում են նաև Շարջոյի Էմիրության անկախ կառավարիչ Սուլթան Բեն Մուհամեդ Ալ-Բասիմը, Շվեդիայի թագավոր Կարլ 16-րդ Գուստավը եւ Փուլջարայի Էմիրության անկախ կառավարիչ Յամադ Բեն Մուհամեդ Ալ Շարքին:

ԻՍԿ ԻՆՉ Է ՄԵՐ ՈՏՔԵՐԻ ՏԱԿ ԵՎ ՄԵՐ ԳԼԽԱՎԵՐԵՎՈՒՄ

ԶԱՐՄԱՆԱԽ ՓԱՍՏ՝ ԱՆՍԱՀՄԱՆ ՏԻՉՆԵՐՔԻ, ՆՐԱ ԿԱՌՈՒՅՎԱԾՔԻ ԵՎ ՀԻՄՆԱԽՆԳԻՐՆԵՐԻ ՄԱՍԻՆ ՄԵՆԵ ՇԱՏ ԱՎԵԼԻ ԼԱՎ ԵՆԵ ՏԵՂԵԿԱՅՎԱԾ, ԲԱՆ ՄԵՐ ՄՈՒՐԱԿԻՒՄ ԵՐԿԻՐ ՄԱՍԻՆ

Իրոք, 20-րդ դարի կեսերից մարդուն հաջողվեց դուրս գալ տիեզերք, «այցելել» Լուսին, Մարս ուղարկել սարքեր, ուսումնասիրել շատ ավելի հեռուներում գտնվող մոլորակները, թեև «ակամատեսի» ոչ մի էական փաստարկ չունենք Երկիր մոլորակի ընդերքի վերաբերյալ: Օրինակ, ի՞նչ է գտնվում 500 կամ ասենք 50 կիլոմետր խորության վրա...

Ստորեւ ներկայացնում ենք այն փաստերը, որ Երկիր մոլորակի վերաբերյալ մարդկությանը հաջողվել է պարզել:

ԵՐԿՐԻ ՆԵՐՔԻՆ ԿԱՌՈՒՑՎԱԾՔԸ

Մենք ապրում ենք շատ բարդ ու ամբողջական մոլորակի վրա, որն ունի անթիվ ասպեկտներ, որոնք ստիպում են նրան հավասարակշռված մնալ:

Երկրի կառուցվածքը. սկզբունքորեն բաժանված է երկու մասի: Նախ՝ վերլուծվում է մեր մոլորակի ներքին տարածքը: Կարելի է իմանալ, թե ինչ կա Երկրի ներսում արտաքին շատ կողմեր հասկանալու համար:

Երկիրը ներկայացնում է ձեւավորված կառուցվածք համակենտրոն շերտերով, որտեղ փոխարինում են այն կազմող բոլոր տարրերը: Այն փաստը, որ դրանք բաժանված են շերտերով, մենք կարող ենք իմանալ երկրաշարժի ժամանակ սեյսմիկ ալիքների շարժման շնորհիվ: Եթե մենք մոլորակը վերլուծենք ներսից դեպի դուրս, ապա կարող ենք դիտարկել հետևյալ շերտերը:

Հիմնական. միջուկը Երկրի ամենախորը շերտն է, որտեղ հայտնաբերվում են մեծ քանակությամբ երկաթ ու նիկել: Այն մասամբ հալված է, եւ դա Երկրի մագնիսական դաշտ ունենալու պատճառն է: Այն կոչվում է նաև էնդոսֆերա:

Նյութերը հալված են բարձր ջերմաստիճանի պատճառով: Երկրի ներքին գործընթացներից մի քանիսը դրսևորվում են մակերեսի վրա: Մենք կարող ենք տեսնել երկրաշարժեր, հրաբուխներ կամ մայրցամաքների տեղաշարժ (ափսեսային տեկտոնիկա):

Թիկնոց. Երկրի թիկնոցը վեր է միջուկից եւ բաղկացած է հիմնականում սիլիկատներից: Այն ավելի խիտ է, քան երկրի ներքին մասը, եւ առավել խիտ, երբ մոտենում ես մակերեսին: Այն կոչվում է նաև մետասֆերա:

☺ Աղբատ մի մարդ գալիս է խնամախոսուհու մոտ.

- Ուզում եմ ամուսնանալ, բայց աղջիկը պետք է լավ ընտանիքից լինի, քահել, գեղեցիկ ու հարուստ:

- Ի՞նչ,- վրդովվում է խնամախոսուհին: - Վխր, եթե այդպիսի աղջիկը համաձայնի ամուսնանալ քեզ պես քրջոտի հետ, ուրեմն խելագար է:

- Նորմալ է, եթե թվարկածս ամեն ինչն ունենա, համաձայն եմ, թող

ԱՆԵԿԴՈՏՆԵՐ


խելագար լինի:

☺ Տարեց հրեան մահանում է աշխատավայրում: Մեկ ուրիշ հրեայի ուղարկում են, որ հայտնի գույժը նրա կնոջը: Սա գալիս է նշված հասցեով, թակում դուռը:

- Այստե՞ղ է ապրում Ռաբինովիչի այրին:

- Ներեցեք, բայց ես այրի չեմ:

☺ Ամուսինը կնոջը բռնացնում է սիրե-



Այս լայն շերտի երկայնքով տեղի են ունենում բազմաթիվ նյութական կոնվեկցիոն երևույթներ: Այս շարժումներն են, որ ստիպում են մայրցամաքներին տեղաշարժվել: Միջուկից բխող ամենաթեժ նյութերը բարձրանում են, եւ երբ դրանք սառչում են, վերադառնում են ներս: Թիկնոցում գտնվող այս կոնվեկցիոն հոսանքները պատասխանատու են տեկտոնական թիթեղների շարժմանը:

Կեղևային կեղև. Երկրի ներքին տարածքի ամենախեղձավոր շերտն է: Այն կոչվում է նաև լիթոսֆերա: Կազմված է թեթև սիլիկատներից, կարբոնատներից ու օքսիդներից: Այն ամենախիտն է, որտեղ տեղակայված են մայրցամաքները, եւ ամենաբարակն է, որտեղ հանդիպում են օվկիանոսները: Ուստի, բաժանված է օվկիանոսային եւ մայրցամաքային ընդերքի: Յուրաքանչյուր ընդերք ունի իր խտությունը եւ կազմված է որոշակի նյութերից:

Դա երկրաբանորեն ակտիվ տարածք է, որտեղ դրսևորվում են ներքին գործընթացներից շատերը: Սա պայմանավորված է Երկրի ներսում եղած ջերմաստիճաններով: Կան նաև արտաքին գործընթացներ, ինչպիսիք են էրոզիան, տրանսպիրտը եւ նստվածքը: Այս գործընթացները պայմանավորված են արեգակնային էներգիայով եւ ծանրության ուժով:

(Շարունակությունը՝ հաջորդ համարում)

տարությունից հետո, փեսացուն հոգևորականին հարցնում է, թե որքան է մոծելու:

- Միայն եկեղեցուն օգնության կարգով, որդյակն: Տուր այնքան, որքան գնահատում ես քո հարսնացուի գեղեցկությունը:

Փեսացուն տալիս է մեկ լարի:

Հոգևորականը՝ նայելով հարսնացուի դեմքին, գրպանից հանում է մետաղադրամ:

- Վերցրու որդյակս, քեզ մանր է հասնում:

ԹԵՎԱՎՈՐ ԱՏՔԵՐ

☞ Շրջապատի մարդկանց համար հաճախ բեռ են լինում նրանք, ովքեր գտնում են, թե իրենք ոչ ոքի չեն կարող բեռ լինել:

Ֆ.Լարոշֆուկո

☞ Մեծ հոգիների տաղանդը ուրիշ մարդկանց մեջ մեծությունը ճանաչելն է:

Ն.Մ.Կարամզին

☞ Ազատությունը հաց է, որ ժողովուրդները պետք է վաստակեն ճակատի քրտինքով:

Լամինե

☞ Չնարավոր չէ այնպիսի խոշոր քայլ կատարել, որն անմիջապես ձեզ կհասցնի նախանշված նպատակին: Քանի որ յուրաքանչյուր նախանշված նպատակի կարելի է հասնել բազմաթիվ մանր ու միանգամայն սովորական քայլերի միջոցով:

Պիտեր Կոլեսն

☞ Մարդն իրեն ճանաչելու ընդունակ է միայն մարդկանց մեջ:

Ի.Գյոթե

☞ Բարոյական կանոնները կարիք ունեն ապացույցների, հետևաբար, դրանք բնածին չեն:

Ջ.Լոկ

☞ Մարդիկ ոչ թե ծնվում, այլ դառնում են այն, ինչ որ կան:

Կ.Գեյլեցիուս

☞ Փոքր քաղաքում ապրելը նշանակում է քեզ ճանաչում են մինչեւ քեզ հետ ծանոթանալը:



Կ.ԿԱՐԱՊԵՏՅԱՆ «Վրաստանի» ընթերցող Ախալքալաքի մուհիցիպալիտետ

ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԿԱԶՊՐԵՍԻ ՆՅՈՒԹԵՐՈՎ

ՍԵՊՏԵՄԲԵՐԻ 21-Ը ՆՈՐԱՆԿԱՆ ՀԱՅԱՍՏԱՆԻ ԱՆԿԱՆՈՒԹՅԱՆ ՕՐՆ Է

(Սկզբը՝ 1-ին էջում)

Սեպտեմբերի 23-ին Գերագույն խորհուրդը Հայաստանը հռչակեց անկախ: Նշենք, որ հայ-ադրբեջանական սահմանի վրա սեպտեմբերի 13-ից լարված իրա-

վիճակով պայմանավորված, Հայաստանի կառավարությունը հետաձգել է Անկախության օրվան նվիրված «Մեր ժամանակների հերոսը» մրցանակաբաշխությունը, որը պետք է տեղի ունենար սեպտեմբերի 21-ին:

Հիշեցնենք, որ սեպտեմբերի 13-ին, ժամը 00:05-ից Ադրբեջանի ՋՈՒ ստորաբաժանումները Գորիսի, Սոթքի եւ Ջերմուկի ուղղությամբ հրետանային միջոցներից, խոշոր տրամաչափի հրածրային զինատեսակներից սկ-

սել են ինտենսիվ կրակ վարել հայկական դիրքերի ուղղությամբ: Ադրբեջանի զինված ուժերի լայնածավալ ագրեսիայի հետեւանքով, զոհվածների եւ անհետ կորածների թիվը հասնում է 207-ի:

ՆԻԿՈՒ ՓԱՇԻՆՅԱՆ. «ԽԱՂԱՂՈՒԹՅԱՆ ՊԱՅՄԱՆԱԳԻՐԸ ԿԿՆՔՎԻ, ԵԹԵ ՃԱՆԱԳԻ ՀԱՅԱՍՏԱՆԻ 29 800 ՔԱՌԱԿՈՒՄԻ ԿՄ ԱՄԲՈՂՋԱԿԱՆՈՒԹՅՈՒՆԸ»

(Սկզբը՝ 1-ին էջում)

- Հայաստանի եւ Ադրբեջանի միջեւ սահմանների դեղինիտացիայի ու դեմարկացիայի, տարածաշրջանային կոնուսիկացիաների բացման եւ խաղաղության պայմանագրի հարցում զգալի առաջընթաց չկա, որովհետեւ Ադրբեջանն այդ ամենից օգտվում է Հայաստանին տարածքային պահանջներ ներկայացնելու համար, - հայտարարեց Նիկոլ Փաշինյանը: Օրինակ՝ երկու երկրների միջեւ խաղաղության համաձայնագրի կարելու թեմաներից մեկը երկրների տարածքային ամբողջականության փոխադարձ ճանաչումն է: Մենք արդեն ասել ենք, որ պատրաստ ենք զնալ այդ քայլին, սակայն Ադրբեջանը նույնպես չի արձագանքել: Հա-

կառակը՝ Ադրբեջանը ակտիվորեն հայտարարում էր, որ Հայաստանի ամբողջ հարավն ու արեւելքը, եւ նույնիսկ մայրաքաղաք Երևանը ադրբեջանական հողեր են: Մյուս կողմից՝ Ադրբեջանը շարունակում է օկուպացված պահել Հայաստանի որոշակի տարածք: Սրա հետ կապված՝ եւ կցանկանայի պաշտոնական եւ հրապարակային հարց հնչեցնել, եւ այն հասցեագրել Ադրբեջանի նախագահին. կարո՞ղ եք ցույց տալ Հայաստանի այն քարտեզը, որը դուք ճանաչում եք կամ որով պատրաստ եք ճանաչել Հայաստանի տարածքային ամբողջականությունը: Ինչո՞ւ եւ եւ այս հարցը տալիս, որովհետեւ կարող է այնպես ստացվել, որ Ադրբեջանի տեսանկյունից Հայաստանի կեսը կամ նույնիսկ դրանից քիչն է Հայաստանի Հանրապետությունը:

Եթե Ադրբեջանը ճանաչի Հայաստանի տարածքային ամբողջականությունը ոչ թե թեորիպես, այլ՝ հստակ, եւ նկատի ունեն մեր՝ միջազգայնորեն ճանաչված տարածքային ամբողջականությունը 29 800 քառակուսի կիլոմետր մակերեսով, նշանակում է, որ մենք կկարողանանք խաղաղության պայմանագիր կնքել միմյանց տարածքային ամբողջականությունը փոխադարձ ճանաչելու միջոցով: մանրամասնեց Փաշինյանը՝ հավելելով, որ հակառակ դեպքում խաղաղության պայմանագիր ամբողջական չի լինի, եւ Ադրբեջանը դրանից հետո կօգտագործի սահմանների դեղինիտացիայի գործընթացը Հայաստանի նկատմամբ նոր տարածքային պահանջներ ներկայացնելու եւ նոր օկուպացիայի համար, - հայտարարեց Հայաստանի վարչապետը:

ՆԵՆՍԻ ՓԵԼՈՍԻ. «ԲՈՒՐ ԱՌՈՒՄՆԵՐՈՎ ՄԵՆՔ ՀԱՅԱՍՏԱՆԻ ԸՆԿԵՐՆ ԵՆՔ»

Սեպտեմբերի 18-ին, Հայաստանում էր գտնում ԱՄՆ Կոնգրեսի Ներկայացուցիչների պալատի պատվիրակությունը՝ խոսնակ Նենսի Փելոսի գլխավորությամբ:

Այցի շրջանակներում՝ ամերիկյան կոնգրեսականների պատվիրակությունը հանդիպումներ ունեցավ Հայաստանի վարչապետ Նիկոլ Փաշինյանի, Ազգային ժողովի նախագահ Ալեն Սիմոնյանի հետ: ԱՄՆ Կոնգրեսի Ներկայացուցիչների պալատի խոսնակը այցելեց նաեւ Հայոց ցեղասպանության հուշահամալիր, հարգանքի տուրք մատուցեց Հայոց եղեռնի զոհերի հիշատակին:

Նիկոլ Փաշինյանի եւ Նենսի Փելոսի հանդիպմանը Հայաստանի վարչապետը Կոնգրեսի ներկայացուցիչների պատվիրակության այցը գնահատեց որպես անմխաբեալ, եւ երախտագիտություն հայտնեց ԱՄՆ-ին՝ ցուցաբերած աջակցության համար:

- Մենք տեսնում ենք ԱՄՆ կառավարության պատրաստակամությունը՝ աջակցելու մեր երկրում ժողովրդավարական օրակարգին: Ցանկանում եմ հայտնել մեր նվիրվածությունը ժողովրդավարական բարեփոխումների օրակարգին, չնայած այն հանգամանքին, որ, ինչպես տեսնում եք, դա այնքան էլ հեշտ ճանապարհ չէ: Եվս մեկ փաստ, որ կցանկանայի ուշել. մենք գնահատում ենք ԱՄՆ-ի հստակ դիրքորոշումը՝ կապված Ադրբեջանի կողմից Հայաստանի դեմ ագրեսիայի հետ: Իհարկե, ԱՄՆ կառավարության կողմից հստակ ձեւակերպումները գնահատելի են, որովհետեւ դա շատ կարելու է մեզ համար, - հայտարարեց Հայաստանի վարչապետը: Շնորհակալություն հայտնելով ջերմ ընդունելության համար, Նենսի Փելոսին հայտարարեց, որ ԱՄՆ միշտ աջակից

է Հայաստանին:

- Աջակցությունը ժողովրդավարությանը Հայաստանում, Հայոց ցեղասպանության ճանաչման բանաձեւը, հակազդեցությունը թուրքիային Լեռնային Ղարաբաղի հարցում, եւ բոլոր մնացած առումներով մենք Հայաստանի ընկերն ենք: Մենք այստեղ ենք՝ հարգելով Ձեր կառավարությունը, - ընդգծեց Նենսի Փելոսին:

Հանդիպմանը գրուցակիցները քննարկեցին հայ-ամերիկյան գործընկերությանը, տարբեր ուղղություններով համագործակցության հետագա զարգացմանը վերաբերող հարցերի լայն շրջանակ:

Հայաստանի Ազգային ժողովի նախագահ Ալեն Սիմոնյանի եւ ԱՄՆ Կոնգրեսի Ներկայացուցիչների պալատի խոսնակ Նենսի Փելոսի հանդիպմանը՝ կողմերը քննարկեցին հայ-ամերիկյան հարաբերությունների զարգացման հետ կապված հարցեր: Հանդիպման ավարտին՝ Ալեն Սիմոնյանն ու Նենսի Փելոսին հանդես եկան համատեղ մամլո ասուլիսում, պատասխանեցին լրագրողների հարցերին:



ԶԱՐԵՆ ՄԻՆԱՅԱՆ. «ԿՈՒՆԵՆԱՆՔ ՌՈՒՍԱՍՏԱՆԱԲՆԱԿ ՄԵՐ ՀԱՅՐԵՆԱԿԻՑՆԵՐԻ ՄԵԾ ՀՈՍՔ»

Ինչպես հայտարարեց Սփյուռքի գործերով գլխավոր հանձնակատար Զարեն Մինայանը, Ուկրաինայում Ռուսաստանի կողմից ռազմական գործողության սկզբից ի վեր դեպի Հայաստան ռուսների մեծ հոսքին զուգահեռ, շատ ավելի պատրաստ պետք է լինել ՌԴ-ում բնակվող մեր հայրենակիցների ավելի մեծ հոսքին, մի բան, որին դեռ ակամատես չենք եղել:

Նրա հավաստմամբ, այս շրջանում Ռուսաստանից Հայաստան տեղափոխվելու ցանկություն ունեցող հայերի թիվը շատ ավելի մեծ է՝ համեմատած անցյալ տարիների:

Դեպի Հայաստան մեծ թվով հոսքը կառավարելի դարձնելու համար հանձնակատարի գրասենյակի եւ կառավարության ջանքերով ստեղծվել են աշխատանքային խմբեր առավել դրական արդյունք ապահովելու համար:

Ըստ նրա՝ հիմնական հոսքը, իհարկե, Ռուսաստանի Դաշնությունից է, եւ ժամանողներից շատերն էլ բարձր կա-

րողություններ ունեցող մասնագետներ են: Այդ իմաստով, իհարկե, նրանք մեծ դեր են խաղում, որ մարդիկ ճիշտ վայրում հայտնվեն, եւ իրենց խնդիրները արագ լուծումներ ստանան:

Սփյուռքի գործերով գլխավոր հանձնակատարը նշեց, որ իրենց այս հարցում մեծապես աջակցել են ՀՀ առողջապահության նախարարությունը, Իզմիրյան բժշկական կենտրոնը, Ամերիկայի հայ ավետարանական ընկերակցությունը, Հայ բարեգործական ընդհանուր միությունը:

- Մեր հայրենադարձների կյանքին վերաբերող գրեթե բոլոր հարցերով մենք զբաղվում ենք, որպեսզի նրանք ոչ մի

ՀԱՐՈՒՆԵՐԻ ՏՈՒՔԸ՝ ՀԱՅՐԵՆԻՔԻ ՀԱՍՏՈՒ ԶՈՂՎԱՍՏԵՐԻ ՀԻՇՏԱՍԿԻՆ



Սեպտեմբերի 21-ին Հայաստանի վարչապետ Նիկոլ Փաշինյանը, նախագահ Վահագն խաչատրյանի, Ազգային ժողովի նախագահ Ալեն Սիմոնյանի եւ Հայաստանի բարչրագույն իշխանության ներկայացուցիչների հետ, Հայաստանի Հանրապետության անկախության 31-ամյակի առթիվ այցելեց «Եռաբլուր» զինվորական պանթեոն:


Նիկոլ Փաշինյանը ծաղիկներ խոնարհեց Սպարապետ Վազգեն Սարգսյանի, Անդրանիկ Օզանյանի շիրմերին եւ ծաղկեպսակ դրեց հանուն Հայրենիքի կյանքը նվիրաբերած հայորդիների հիշատակը հավերժացնող հուշահամալիրին:

ՀԱՆՊԻՊՈՒՄ ՄԱՅՐ ԱՌՈՒ ՍՈՒՔԸ ԷԶՄԻՍՏՆՈՒՄ

Մայր Աթոռի փարածած տեղեկավարության համաձայն, սեպտեմբերի 22-ին, հրավերով Ն.Ս.Օ.Տ.Տ. Գարեգին Երկրորդ Ամենայն Հայոց Կաթողիկոսի, Մայր Աթոռ Սուրբ Էջմիածնում տեղի է ունեցել հանդիպում մասնակցությամբ՝ Հայաստանի Հանրապետության նախագահներ Լեւոն Տեր-Պետրոսյանի, Ռոբերտ Քոչարյանի, Սերժ Սարգսյանի եւ Լեռնային Ղարաբաղի Հանրապետության նախագահներ Արկաղի Դուկասյանի եւ Բակո Սահակյանի: «Հայաստանում սրբեցված իրավիճակի առնչությամբ տեղի է ունեցել շահագրգիռ քննարկում: Որոշում է ընդունվել շարունակել հանդիպումները»,- ասված է հաղորդագրության մեջ:

ՄԱՀԱՅԵԼ Է «ԱՐՄԵՆՊՐԵՍԻ» ԽՄԲԱԳԻՐ ՀՈՎԱՍՏԵՆԵՍ ԱՅՎԱԶՅԱՆԸ

72 տարեկանում կյանքից հեռացավ թարգմանիչ, լրագրող, «Արմենպրես» գործակալության խմբագիր Հովհաննես Այվազյանը: Հովհաննես Այվազյանը ծնվել է 1950 թվականին, Վրաստանի Սիդնաղի շրջանի Սաքոթ գյուղում:



Ընդունվել է ԵՊՀ բանասիրական ֆակուլտետ, ապա տեղափոխվել Մոսկվայի Մ.Վ.Լոմոնոսովի անվան պետական սարահան ժուռնալիստիկայի ֆակուլտետ, որն ավարտել է 1979 թվականին: Աշխատել է «Ավանգարդ», «Սովետական Հայաստան», «Հայաստանի Հանրապետություն» թերթերում: Եղել է «Նոր դպրոց» եւ «Նաիրի» հրատարակչությունների գլխավոր խմբագիրը: Հովհաննես Այվազյանի թարգմանությամբ հայերեն են լույս տեսել Լեւոն Օսեփյանի, Լեոնիդ Ենգիբարյանի, Գարսիա Մարկեսի, Բնյուպ Համսունի, Վլադիմիր Ստրախիչի առանձին պատմվածքներն ու մի շարք այլ գրքեր: Արժանացել է գրական եւ ժուռնալիստիկայի փարբեր մրցանակների:

«Վրաստան» թերթը իր խորին ցավակցությունն է հայտնում Հովհաննեսի ընտանիքի անդամներին, հարազատներին եւ գործընկերներին:

ԵԿԵՂԵՑԱԿԱՆ

25.09.2022 Վարազա Սուրբ Խաչի տոն

Քրիստոնեական բոլոր եկեղեցիներն ամեն տարի մեծ հանդիսավորությամբ նշում են Խաչին նվիրված տոները: Բայց ի տարբերություն մյուս եկեղեցիների, Հայ եկեղեցին ունի նաև Խաչին նվիրված զուտ ազգային մի

ՍԵՊՏԵՄԲԵՐ



տոն, որը հայտնի է Վարազա Սուրբ Խաչ անունով: Այն միշտ տոնում են Խաչվերացից երկու շաբաթ հետո, այսինքն, սեպտեմբերի 25-ից մինչև հոկտեմբերի 1-ը հանդիպող կիրակի օրը:

26.09.2022 Դավիթ Դվնեցու հիշատակության օր

ՄՊՈՐՏ

ԻՄՊԱՆԻԱՅԻ ԶԱՎԱՔԱԿԱՆԸ՝ ՍԵԿՆԱՐԿԵԼՈՎ ԹԲԻԼԻՍԻՈՒՄ, ԲԵՆԼԻՆՈՒՄ ԵՎ ԱՃԵՑ ԵՎՐՈՊԱՅԻ ԶԵՄՊԻՈՒՆԻ ԿՈՉՈՒՄԸ



Ինչպես արդեն հաղորդել ենք, սեպտեմբերի 1-ին Թբիլիսիի նորակառույց մարզապալատում մեկնարկած բասկետբոլի Եվրոպայի առաջնությունը շարունակվեց Գերմանիայում, որտեղ էլ անցկացվեցին մրցաշարի վճռորոշ փուլերը:

Կիսաեզրափակչում «Ֆրանսիան 95-54 հաշվով առավելության հասավ Լեհաստանի թիմի նկատմամբ, իսկ Իսպանիան 96-91 հաշվով առավելության հասավ Գերմանիայի հավաքականի նկատմամբ:

Առաջնության բրոնզե մեդալի համար պայքարում գերմանացիները 82-69 հաշվով պարտության մատնեցին լեհերին, իսկ մրցաշարի գլխավոր մրցանակի՝ մայրցամաքի չեմպիոնի կոչման համար պայքարում Իսպանիայի հավաքականը 88-76 հաշվով առավելության հասավ Ֆրանսիայի հավաքականի նկատմամբ, եւ աշխարհի գործող չեմպիոնի տիտղոսին ավելացրեց Եվրոպայի չեմպիոնի կոչումը:

ՀԱՅԱՍՏԱՆՑԻ ՄԱՐԻԱՄ ՄԿՐՏՉՅԱՆԸ՝ 18 ՏԱՐԵԿԱՆՆԵՐԻ ՇԱԽՄԱՏԻ ԱՇԽԱՐՀԻ ԶԵՄՊԻՈՆ

Ռուսիայի Մամայա քաղաքում եզրագիծը հատեց շախմատի մինչև 14, 16 եւ

18 տարեկանների աշխարհի առաջնությունը: Հայաստանի ներկայացուցիչներից լավագույնը հանդես է եկել Հայաստանի գործող չեմպիոնուհի Մարիամ Մկրտչյանը, որը 18 տարեկանների պայքարում հաղթել է բոլոր 11 պարտիաներում եւ նվաճել աշխարհի չեմպիոնի կոչումը:



Հոկտեմբերի 11-ից Մարիամ Մկրտչյանն Իտալիայում մասնակցելու է մինչև 20 տարեկանների աշխարհի անհատական առաջնությանը:

ԸՆԴՊԱՏԵՆԸ ԶՈՐՍ ԲՐՈՆԶԵ ՍԵՂԱԼ՝ ԱՋԱՏ ՌՃԻ ԸՄԲԵՎՄԱՐՏԻ ԱՇԽԱՐՀԻ ԱՌԱՋՆՈՒԹՅՈՒՆԻՑ

Սերբիայի մայրաքաղաք Բելգրադում եզրագիծը հատեց ազատ ոճի ըմբշամարտի աշխարհի առաջնությունը:

Մրցաշարում վրաց մարզիկները նվաճեցին 4 բրոնզե մեդալ՝ Ջուրաբ Իակոբիշվիլի (70 կգ), Գենո Պետրիաշվիլի (125 կգ), Միրիան Մախուրաձե (92 կգ) եւ Գիվի Մաճարաշվիլի (97 կգ):

Ինչ վերաբերում է Հայաստանի թիմին, ապա հայ մարզիկներն ազատ ոճի աշխարհի առաջնությունը ավարտեցին առանց մեդալների:

ՄԱՅՐԱՔԱՂԱՔ

ԿԱՆԱ ԿԱՆԱՅԵ. «ԲԱՐԵՓՈՒՆՈՒՄՆԵՐԸ ԿԶԱՆԳԵՑՆԵՆ ՏԵՂԱՇԱՐԺԻ ԴՅՈՒՐԱՑՄԱՆ»

Քեթեան Ծամբուլի պողոտայի եւ Սելիքիշվիլի փողոցի վերականգնման աշխատանքների պատճառով, մայրաքաղաքում խցանումներ են առաջացել, Թբիլիսիի քաղաքապետը հայցել է բնակչության ներողամտությունը:



Հավաքարից Իսանի թաղամաս ընկած գլխավոր՝ Քեթեան Ծամբուլի պողոտան ամիսներ շարունակ վերանորոգվում է: Արդեն երկու ամիս է նաեւ սկսվել են վակե թաղամասը Ռուսթավելի պողոտային միացնող Սելիքիշվիլի փողոցի վերականգնողական աշխատանքները, արդյունքում, պիկ ժամերին մայրաքաղաքը կաթվածահար է լինում:

Կախա Կալաձեն նշեց, որ քաղաքը այժմ տրանսպորտային բարեփոխումների անցումային փուլում է, ինչը բնակչությանն անհարմարավետություն է պատճառում, սակայն բարեփոխումների ավարտին, մայրաքաղաքում տեղաշարժը շատ ավելի հեշտ կլինի, քան այժմ կամ նախորդ տարիներին:

Քաղաքապետը, միաժամանակ, նշել է, որ բարեփոխման ավարտը դեռ հեռու է, եւ առաջիկա տարիներին նախատեսվում է սկսել մի քանի խոշոր ծրագրեր:

Վրաստանի կրթության եւ գիտության նախարարությունը, Հայ Առաքելական Սուրբ Եկեղեցու Վերահայոց թեմը, Թբիլիսիի թիվ 104 համրային դպրոցը, «Վրաստան» թերթի խմբագրությունը, Թբիլիսիի Պետրոս Ադամյանի անվան պետական հայկական դրամատիկական թատրոնը իրենց վշտակցությունն են հայտնում Կարինե Մանուկյանին, սիրելի մոր՝

ԱՍյա (Ջուլիետա) Դարիբի ՄԱՆՈՒԿՅԱՆԻ

մահվան կապակցությամբ եւ ցավակցում հարազատներին, բարեկամներին ու մերձավորներին:

Հուղարկավորությունը տեղի կունենա վաղը՝ սեպտեմբերի 25-ին, ժամը՝ 14:00-ին: Հասցեն՝ Վարկեթիլի 3, Սաքարթվելոս Էրթիանոբիսի մերձուղի փողոց 22, 2-րդ մուտք, 5-րդ հարկ:



60-day calendar grid with dates 1-60.

Խ Ա Չ Բ Ա Ռ

ՀՈՐԻԶՈՆԱԿԱՆ. 7.Արդյունաբերական ձեռնարկություն: 8.Թբիլիսիի շրջաններից: 9.Ոխ, վրեժ: 10.Սետաղագործ: 13.Երաժշտական գործիք: 19.Վրացական «Մագֆի» բջջային օպերատորի կանխավճարային քարտ: 20.Ուտելիքին համ տվող: 23.Հայաստանի «բնիկ» մրգերից: 24.Թանկարժեք քար: 29.Հաստ թել: 31.Լեհաստանի դրամական միավորը: 34.«Լացող» ծառ: 35.Հին հունական դիցարանում ռազմի աստվածը: 36.Երիզ (խսկց.): 39.Արքայի բազմոց: 41.Արու արծիվ: 43.Հատապտուղ: 46.«... հասավ գառանը»: 48.Բնության երեւոյթ: 49.Բերդաքաղաք Լեռնային Կիլիկիայում: 51.Ջրլող թռչուն: 52.Հայեցակետ, կարծիք: 54.Բրիտանացի դերասան ... Բարոն Կոեն: 56.Լղար, վտիտ: 57.Վրացական բջջային կապ: 58.Փաղաքշական մասնիկ: 59.Գլխարկի տեսակ: 60.Վրաց մարզիկ, ԽՍՀՄ սպորտի վաստակավոր վարպետ ... Կարտոգիա: ՈՐՈՂԱՅԱՅՆ. 1.Ամթ, պատվազգացում: 2.Չկան փուլ: 3.Երկիր ներմուծվող ապրանքների համար վճարվող տուրք: 4.Վտիտ, պայծառ: 5.Այս, ասի-

ՆԱԽՈՐԴ ՀԱՄԱՐԻ ԽԱՉՔԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 1.Գեղարդավանք: 7.Սեն: 9.Ալպեր: 10.Մասրեմի: 12.Եկ: 13.Պոմպ: 15.Կող: 16.Սնդիկ: 19.Ալանա: 21.Եթիմ: 23.Արեմին: 24.Նոնա: 25.Սիոն: 26.Աջ: 27.Նասիմ: 29.Տնական: 32.Րոտ: 33.Արքունի: 36.Սամվել: 39.Լեոնոն: 41.Իսկ: 42.Թալին: 43.Արագ: 45.Կթել: 47.Ալիկ: 50.Թեն: 51.Բոա: 52.Գալիցա: 54.Կիսա: 56.Ուռի: 57.Արես: 58.Արտ: 60.Սելիք: 61.Իորի: ՈՐՈՂԱՅԱՅՆ. 1.Գասպար: 2.Դրիմ: 3.Դրական: 4.Վարդանանք: 5.Նանսեն: 6.Քլինթոն: 7.Սե: 8.Երեկ: 11.Սոնի: 14.Պարան: 17.Դիմար: 18.Իմաստ: 20.Լենա: 22.Կոմիտաս: 23.Արտեմ: 28.Բոսորագոյն: 30.Կալկաթա: 31.Ար: 34.Ուրագ: 35.Իլիկ: 37.Վիսկի: 38.Եւ: 40.Ենթակա: 42.Թեմուր: 44.Րե: 46.Լիստ: 48.Լառ: 49.Իլիկ: 51.Բաստիլ: 53.Նարդի: 55.Իրտիշ: 59.Գամ:

Three boxes containing contact information for VRASTAN, including address, phone numbers, and website details.